

Broj: U.D.-01-04-4425/21
Sarajevo, 16.03.2021.godine

Na osnovu člana 32 i 70. stav (3) Zakona o javnim nabavkama, člana 45. Statuta „JP BH POŠTA“ d.o.o. Sarajevo, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, Pravilnika o uslovima i načinu korištenja E-aukcije („Službeni Glasnik 66/16) te prijedloga - preporuke Komisije za nabavku robe koverata za potrebe službe Hibridna pošta broj: 07.4-11-9-8331-65/20 od 11.03.2021.godine, Uprava Društva na svojoj 57. elektronskoj sjednici održanoj 16.03.2021. godine, d o n o s i:

O D L U K U O IZBORU NAJPOVOLJNIJEG PONUĐAČA

I

U postupku javne nabavke **robe koverata za potrebe službe Hibridna pošta**, ovom odlukom se vrši izbor najpovoljnijeg ponuđača i dodjeljuje **se okvirni sporazum** na period do dvije godine ponuđaču **Crobox doo Sarajevo** sa vrijednošću sporazuma u iznosu **do 780.400,00 KM bez PDV-a, odnosno ukupnu vrijednost okvirnog sporazuma do 913.068,00 KM sa uračunatim PDV-om**

II


Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16:00 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

III

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E:

Na osnovu Odluke o pokretanju postupka javne nabavke koverata za potrebe službe Hibridna pošta broj: U.D.-01-04-8558/20 od 30.06.2020. godine, Odluke o izmjeni Odluke o pokretanju postupka nabavke br. UD.01.04.-14165/20 od 02.11.2020.godine kojom se odobrava nabavka **robe koverata za potrebe službe Hibridna pošta u iznosu do 790.000,00 KM bez uračunatog PDV-a**, putem otvorenog postupka sa predviđenim zaključenjem okvirnog sporazuma na period do dvije godine sa jednim ponuđačem, i rješenja Generalnog direktora o imenovanju Komisije za provođenje predmetnog postupka broj: 01-11-9-8331-2/20 od 01.07.2020.godine, Odluke o djelimičnom usvajanju žalbe br. 01-11-9-8331-59/60 od 07.01.2021.godine kojom se poništava Odluka o izboru najpovoljnijeg ponuđača, broj U.D.01.04-16668/20 od 23.12.2020.godine i postupak vraća Komisiji na ponovno odlučivanje u dijelu analize osporavane potvrde u ponudi ponuđača Birotehnik komerce doo Sarajevo i zaključaka URŽ-a br. JN2-03-07-1-167-6/21 od 28.01.2021.godine i JN2-030-7-1-150-7/21 od 25.02.2021.godine kojim su žalbe ponuđača CROBOX doo Sarajevo i EXCLUSIVE doo Zenica izjavljene na Odluku o djelimičnom usvajanju žalbe br. 01-11-9-8331-59/60 od 07.01.2021.godine odbijene kao neuredne, Komisija konstatuje sljedeće:



GENERALNA DIREKCIJA

da je u postupku nabavke koverata za potrebe službe Hibridna pošta br. 07.4-11-9-8331-43/20 (br.obavještenja o nabavci 238-1-1-580-3-186/20 od 04.11.2020.godine) ponuđač Birotehnik komerc doo Sarajevo dana 25.01.2021.godine dostavio Ugovornom organu dopis br. 570/21 kojim je povukao svoju ponudu br.186/20 od 01.12.2020.godine koju je dostavio u predmetu nabavke koverata za potrebe službe Hibridna pošta br. 07.4-11-9-8331-43/20.

Također, Komisija je aktom br. 07.4-11-9-8331-61/20 od 24.02.2021. godine svim ponuđačima uputila zahtjev za produženje opcije ponude i garancije za ozbiljnost ponude jer je opcija ponude isticala 01.03.2021.godine

Međutim, Komisija konstatuje da su do roka za dostavljanje traženog produženja opcije ponude i garancije za ozbiljnost ponude (do 02.03. do 16:00h) naznačenog u aktu br. 07.4-11-9-8331-61/20 od 24.02.2021. godine urednu dokumentaciju dostavili ponuđači Crobox doo Sarajevo, Konzorcij Commerce Engineering doo Mostar i Pepi – Karttis doo Mostar i Exclusive d.o.o. Zenica, dok grupa ponuđača Primaprom d.o.o. Banja Luka i Sagittarius d.o.o. Subotica i ponuđač Birotehnik komerc doo Sarajevo u ostavljenom roku (do 02.03. do 16:00h) nisu dostavili izjavu za produženje opcije ponude kao ni garanciju za ozbiljnost ponude sa produženim periodom važenja Obzirom na činjenično stanje, ponude grupe ponuđača Primaprom d.o.o. Banja Luka i Sagittarius d.o.o. Subotica i ponuđača Birotehnik komerc doo Sarajevo neće biti predmetom razmatranja u daljem toku postupka, u sve u skladu sa članom 60. stav 3) Zakona te shodno tome Komisija konstatuje sljedeće:

- ponuda grupe ponuđača **Primaprom d.o.o. Banja Luka i Sagittarius d.o.o. Subotica u ukupnom iznosu od 789.160,00 KM bez PDV-a** neće biti predmetom razmatranja u daljem toku postupka, u sve u skladu sa članom 60. stav 3) Zakona **te je kao takva neprihvatljiva za ugovorni organ.**
- ponuda ponuđača **Birotehnik komerc doo Sarajevo u ukupnom iznosu od 788.510,00 KM bez PDV-a** neće biti predmetom razmatranja u daljem toku postupka, u sve u skladu sa članom 60. stav 3) Zakona **te je kao takva neprihvatljiva za ugovorni organ.**
- Ponuda konzorcija **Commerce Engineering doo Mostar i Pepi – Karttis doo Mostar u ukupnom iznosu od 789.382,39 KM bez PDV-a** ispunjava sve uslove tenderske dokumentacije te je, nakon što je 10.12.2020.godine izvršena provjera tehničke i profesionalne sposobnosti u skladu sa uslovima propisanim propozicijama za provjeru tehničke i profesionalne sposobnosti, a o čemu je sastavljen i potpisan zapisnik br. 1 i br. 2, ocjenjena kao formalno-pravno, ekonomski i tehnički prihvatljiva.
- Ponuda ponuđača **Crobox doo Sarajevo u ukupnom iznosu od 788.400,00 KM bez PDV-a** ispunjava sve uslove tenderske dokumentacije te je, nakon što je 10.12.2020.godine izvršena provjera tehničke i profesionalne sposobnosti u skladu sa uslovima propisanim propozicijama za provjeru tehničke i profesionalne sposobnosti, a o čemu je sastavljen i potpisan zapisnik br. 1 i br. 2, ocjenjena kao formalno-pravno, ekonomski i tehnički prihvatljiva.
- Ponuda ponuđača **Exclusive doo Zenica u ukupnom iznosu od 789.000,00 KM bez PDV-a** ispunjava sve uslove tenderske dokumentacije te je, nakon što je 10.12.2020.godine izvršena provjera tehničke i profesionalne sposobnosti u skladu sa uslovima propisanim propozicijama za provjeru tehničke i profesionalne sposobnosti, a o čemu je sastavljen i potpisan zapisnik br. 1 i br. 2, ocjenjena kao formalno-pravno, ekonomski i tehnički prihvatljiva.

